

დამტკიცებულია
ქალაქ გორის მუნიციპალიტეტის მერის
სათათბირო ორგანოს,
„სამოქალაქო ბიუჯეტის საბჭო“-ს მიერ
2017 წლის _____

**ქალაქ გორის მუნიციპალიტეტის მერის
2018 წლის სამოქალაქო ბიუჯეტის განვითარების სამოქმედო გეგმა**

ქალაქ გორის მუნიციპალიტეტის მერის სათათბირო ორგანო
„სამოქალაქო ბიუჯეტის საბჭო“

(შექმნილია: „სამოქალაქო ბიუჯეტის საბჭოს“ შექმნისა და დებულების დამტკიცების შესახებ“
ქალაქ გორის მუნიციპალიტეტის მერის ბრძანება #1-752, 2016 წლის 20 სექტემბერი)

ქალაქი გორი 2017 წ.

მე ვგეგმავ ჩემი ქალაქის ბიუჯეტს!

არასამთავრობო ორგანიზაცია „სხვა სივრცე“ (პოლონეთი) და მისი პარტნიორები: მარნეულის მუნიციპალიტეტი, საქართველოს თვითმმართველობის ეროვნული ასოციაცია, ა(ა)იპ „ერთიანი კავკასია“, ჰელსინკის სამოქალაქო ასამბლეის ქართული კომიტეტი / რეგიონალური უსაფრთხოების კავკასიის ინსტიტუტი ქალაქ ვარშავას მერიის სოციალური კომუნიკაციის ცენტრის პროგრამული მხარდაჭერით მიმდინარეობს სამოქალაქო ბიუჯეტის ჩამოყალიბების პროცესი საქართველოს მუნიციპალიტეტებში. 2016 წელს ქალაქი გორი ერთ-ერთი იყო იმ 11 მუნიციპალიტეტს შორის, სადაც დაიგეგმა ამ პროექტის დანერგვა კონკურსის გზით. მოხარულნი ვართ, რომ ქალაქი გორი, საქართველოს მასშტაბით აღმოჩნდა გამარჯვებული 11 მუნიციპალიტეტს შორის და როგორც ქალაქი, იგი პირველია, სადაც 2016 წელს დაიგეგმა და უკვე 2017 წელს განხორციელდა სამოქალაქო ბიუჯეტის პროგრამული პროექტი.

სამოქალაქო ბიუჯეტი – არის პროცესი, რომელიც საზოგადოებას საშუალებას აძლევს მონაწილეობა მიიღოს ქალაქის/მუნიციპალიტეტის ბიუჯეტის დაგეგმვაში. მოქალაქეთა ბიუჯეტის მეშვეობით მოქალაქეებს შეუძლიათ თვითონ გადაწყვიტონ თუ რაში დაიხარჯება ქალაქის/მუნიციპალიტეტის ბიუჯეტიდან გამოყოფილი გარკვეული თანხები. ასეთი მექანიზმი ფართოდ გამოყენებულია მსოფლიოში, მათ შორის პოლონეთის 150 ქალაქში. ამ მექანიზმის გამოყენება გვამცხვს შემდეგ ეფექტს:

* ინფორმაციის წყაროს მოპოვება და როგორც ამის შედეგი – საზოგადოების ლოკალური საჭიროებების გაუმჯობესებული გაგება;

* მუნიციპალიტეტის საქმიანობის ოპტიმიზაცია – პრიორიტეტების სისტემის გაუმჯობესობა, საზოგადოების მიერ მოწოდებული წინადადებების განხილვა/მიღება, დროის და ფინანსების ეკონომია (უკმაყოფილების გარეშე);

* საზოგადოებას და ადგილობრივი ხელისუფლებას შორის კონფლიქტების პრევენცია;

* ადგილობრივი ხელისუფლების მიმართ საზოგადოების ნდობის გაზრდა;

* ადგილობრივი ხელისუფლების ლეგიტიმაციის გაზრდა;

* ადგილობრივი ხელისუფლების საქმიანობის მიმართ მოქალაქეების კმაყოფილების გაზრდა;

* საზოგადოებრივი განათლება – ადგილობრივი ხელისუფლების საქმიანობის შესახებ ცნობიერების ამაღლება, დემოკრატიული ჩართულობის მექანიზმების ფორმირება, მოქალაქეების გააქტიურება და საზოგადოების და ადგილობრივი ხელისუფლების საერთო პასუხისმგებლობის ფორმირება.

ქ. გორის მუნიციპალიტეტის ტერიტორიაზე სამოქალაქო ბიუჯეტის განვითარება ძალიან მნიშვნელოვანია და შესაბამისად თითოეული მაცხოვრებელის აქტიურობა და ინიციატივა ქალაქ გორის განვითარებისათვის დიდ მნიშვნელობას იძენს.

იმისათვის, რომ ქალაქ გორში დაინერგოს აღნიშნული სიახლე და პროექტები თავად მოსახლეობამ დანერგოს, თუ რა სურთ მათ, საჭიროა მოქალაქეთა აქტიურობა. ვიმედოვნებთ, რომ ქალაქ გორის მოსახლეობა უფრო მეტად ჩაერთვება ამ საერთო პასუხისმგებლობაში, მოწოდებით:

მე ვგეგმავ ჩემი ქალაქის ბიუჯეტს!

ქალაქ გორის მუნიციპალიტეტის მერიის „სამოქალაქო ბიუჯეტი“-ს ფორმირების წესი

მუნიციპალიტეტის ბიუჯეტის განაწილებისა და ხარჯვის პროცესში მოქალაქეების ინტერესის გათვალისწინება სულ უფრო მეტ მნიშვნელობას იძენს თანამედროვე დემოკრატიული მმართველობისა და მოქალაქეთა ჩართულობისათვის. ქ. გორის მუნიციპალიტეტის მერიის მხრიდან ადგილობრივი ბიუჯეტიდან გამოყოფილი გარკვეული თანხები ადგილობრივი მოსახლეობის ინიციატივების შესაბამისად, საშუალებას მისცემს მუნიციპალიტეტის მკვიდრთ განახორციელონ მათთვის მნიშვნელოვანი პროექტები (ინფრასტრუქტურული, ახალგაზრდული, საგანმანათლებლო, ან კულტურული, სოციალური, სპორტული და სხვ.), ანუ თავად დაგეგმონ პროექტები მომავალი წლის ბიუჯეტში და თვალყური ადევნონ მის განვითარებას.

ქალაქ გორის მუნიციპალიტეტის 11 ადმინისტრაციული ერთეული დაჯგუფებულია და წარმოდგენილია 6 ზონად:

- I ზონა – ცენტრალური დასახლების 1-ლი და მე-2 უბანის;*
- II ზონა – კომბინატის დასახლების 1-ლი და მე-2 უბანის;*
- III ზონა – ქალა-წყაროსუბნის დასახლება და სადგური-ელექტროფიკაციის დასახლების;*
- IV ზონა – წმინდაწყალის დასახლების 1-ლი და მე-2 (ვოლოგდის) უბანის;*
- V ზონა – ვერხვებისა და კვერნაქის დასახლების;*
- VI ზონა – ვერხვების დევნილთა ჩასახლების*

- ✓ მომდევნო წლისათვის ქალაქის ყველა, ექვსივე ზონისათვის „სამოქალაქო ბიუჯეტი“-ს პროექტების ერთიანი ღირებულება განისაზღვრება, საშუალოდ 900 000.00 (ცხრაასი ათასი) ლარის ოდენობის ფარგლებში. თითოეული ზონისათვის შესაბამისად საშუალოდ გამოიყოფა 150 000.00 (ასორმოცდაათი ათასი) ლარი. აღნიშნული თანხიდან, მოსახლეობის ინტერესებისა და სურვილის გათვალისწინებით შესაძლებელია განხორციელდეს ერთი, ან რამოდენიმე პროექტი, რომელთა ჯამური ღირებულება არ უნდა აღემატებოდეს 150 000 ლარს. ბიუჯეტის საბოლოო განსაზღვრის ეტაპზე, წარმოდგენილი პროექტების დაფინანსების თაობაზე გადაწყვეტილების მიღებისას შესაძლებელია საპროექტო ინიციატივებმა განიცადოს კორექტირება, მისი ტექნიკური, იურიდიული და ფინანსური ხასიათიდან გამომდინარე;
- ✓ მოქალაქეთა კოორდინაციისა და ინფორმირებულობისათვის, ზონის მაცხოვრებლების მიერ წარმოდგენილი იქნება კოორდინატორი, რომელსაც აირჩევს ზონის საერთო წარმომადგენლობითი კრება, ანუ წარმომადგენლობითი საბჭო. წარმომადგენლობითი საბჭო უნდა შედგებოდეს ზონაში შემავალი დასახლებებიდან, უბნებიდან, ამავე დასახლებებში და უბნებში მცხოვრები მოქალაქეებისგან (მათი წარმომადგენლებისგან).
- ✓ წარმომადგენლობითი საბჭოს შეკრების უზრუნველყოფის საორგანიზაციო საკითხებს აგვარებს ქალაქ გორის მუნიციპალიტეტის მერიის წარმომადგენლები ადმინისტრაციულ ერთეულებში. რომლებიც აფიქსირებენ კრების მიმდინარეობას, ქმნიან დამადასტურებელ დოკუმენტაციას, ფოტომასალებისა და ოქმების სახით.

- კოორდინატორი ქალაქ გორის მუნიციპალიტეტის მერის წარმომადგენლებთან, საზოგადოების წარმომადგენლებთან, არასამთავრობო ორგანიზაციებთან ერთად, ქ. გორის მუნიციპალიტეტის მერიის ურთიერთკოორდინაციით, განხორციელებს სამოქალაქო ბიუჯეტის პროგრამის ფარგლებში განსაზღვრულ საქმიანობას.
- „წარმომადგენლობითი საბჭო“ იქნება მუდმივმოქმედი ჯგუფი პროექტის მიმდინარეობის პერიოდში, რომლის ფუნქციასაც წარმოადგენს საპროექტო ინიციატივების საბოლოო შერჩევა/ანალიზი. წარმოდგენილი საპროექტო ინიციატივების ვარიანტებიდან, „წარმომადგენლობითი საბჭო“-ს მიერ კონსესუსის საფუძველზე (შეთანხმებისამებრ), შეირჩევა კონკრეტული საპროექტო ინიციატივა.
- ✓ „სამოქალაქო ბიუჯეტი“-ს პროექტში მონაწილეობის უფლება აქვს ქალაქ გორის მუნიციპალიტეტში მცხოვრებ ქმედუნარიან 18 წლის ასაკს მიღწეულ სრულწლოვან მოქალაქეს;
- ✓ მოქალაქეს შეუძლია წარმოადგინოს ისეთი საპროექტო ინიციატივები, რომელთა განხორციელებაც შედის ქალაქ გორის მუნიციპალიტეტის მერიის თვითმმართველობის კომპეტენციაში, არ აღემატება კონკრეტული ზონისათვის გამოყოფილ თანხას და ემსახურება საზოგადოებრივ კეთილდღეობას. პროექტი წარმოდგენილი უნდა იყოს სპეციალური სააპლიკაციო ფორმის მეშვეობით, რომლიც უნდა გამოიგზავნოს მუნიციპალიტეტის ელ-ფოსტის მისამართზე info@gori.gov.ge, ან/და samoqalaqo.gori@gmail.com, ან შემოტანილ იქნას მერიის ადმინისტრაციის შენობაში, კანცელარიაში. სააპლიკაციო ფორმები ხელმისაწვდომი იქნება ლოკალურ კოორდინატორებთან, ქალაქ გორის მუნიციპალიტეტის მერის წარმომადგენლებთან ადმინისტრაციულ ერთეულებში, ქალაქ გორის მუნიციპალიტეტის მერიის კანცელარიაში და ქალაქ გორის მუნიციპალიტეტის მერიის ოფიციალურ ვებ-გვერდზე <http://gori.gov.ge>.
- ✓ პროექტების წარმოდგენის პერიოდია: მიმდინარე წლის 15 ივნისიდან, 25 ივლისის ჩათვლით;

სამოქალაქო ბიუჯეტის პროექტის წარმოების წესი:

- I ეტაპი:

სამოქალაქო ბიუჯეტის პროექტის განხორციელების საწყის ეტაპზე, პროექტის კოორდინატორი, რომელიც უშუალოდ ჩართულია პროცესის მიმდინარეობაში, ქალაქ გორის მუნიციპალიტეტის მერის წარმომადგენლების ხელშეწყობით, ასევე საზოგადოების წარმომადგენლებთან, არასამთავრობო ორგანიზაციებთან ერთად (მათივე ნება-სურვილის შემთხვევაში) ატარებს საინფორმაციო შეხვედრებს ზონების მიხედვით, თითო ზონაში არანაკლებ ერთ შეხვედრას და აწვდის მოქალაქეებს ინფორმაციას სამოქალაქო ბიუჯეტის პროექტის განხორციელების მიზნებზე და შესაძლებლობებზე;

- II ეტაპი:

მოქალაქეები მუნიციპალიტეტში აგზავნიან სამოქალაქო ბიუჯეტის პროექტის ფარგლებში საპროექტო ინიციატივების განაცხადის ფორმებს. კოორდინატორი, ქალაქ გორის მუნიციპალიტეტის მერის წარმომადგენლების ხელშეწყობით, ზონის მაცხოვრებლებს, საჭიროებისამებრ, ეხმარება სამოქალაქო ბიუჯეტის საპროექტო ინიციატივის განაცხადების სააპლიკაციო ფორმის შევსებაში, აკვლიანებს მოქალაქეებს ქალაქ გორის მუნიციპალიტეტის მერიაში განაცხადების წარდგენის თვალსაზრისით, როგორც დასკანერებული ვარიანტის ელექტრონული ფოსტით გადააგზავნის, ისე კანცელარიაში ჩაბარების მხრივ. კოორდინატორი აწარმოებს საკუთარ აღრიცხვას.

– III ეტაპი:

განაცხადების მიღების პერიოდში მუნიციპალიტეტის უფლებამოსილი პირი ამოწმებს წარმოდგენილი საპროექტო ინიციატივების განაცხადების ტექნიკურ სისწორეს და წარუდგენს ქალაქ გორის მუნიციპალიტეტის მერს რეკომენდაციას საპროექტო ინიციატივების, ამავე მუნიციპალიტეტის მერთან არსებულ „სამოქალაქო ბიუჯეტის საბჭო“-ს უახლოეს სხდომაზე განსახილველად. **მიმდინარე წლის 25 ივლისიდან, 31 ივლისის ჩათვლით**, – ქალაქ გორის მუნიციპალიტეტის მერი აგზავნის საპროექტო ინიციატივებს „სამოქალაქო ბიუჯეტის საბჭო“-ს უახლოეს სხდომაზე განსახილველად, სადაც იგი განიხილება ტექნიკური, ფინანსური სამართლებრივი, სამუშაოების განხორციელების ვადების და აქტუალობის გადამოწმების თვალსაზრისით. რეზულტატი ეცნობება ქალაქ გორის მუნიციპალიტეტის მერს და თანდართული იქნება თხოვნა, რომ გადააწეროს უფლებამოსილ პირს პირველადი შედეგების საჯარო გამოქვეყნებისთვის. ქალაქ გორის მუნიციპალიტეტის მერი გადააწერს ამავე მუნიციპალიტეტის მერიის უფლებამოსილ პირს, რომლის მეშვეობით პირველად შედეგებს გამოაქვეყნებს საჯაროდ, განათავსებს ქალაქ გორის მუნიციპალიტეტის მერიის ოფიციალურ ვებ-გვერდზე **მიმდინარე წლის 5 აგვისტომდე**. ზონების „წარმომადგენლობით საბჭოებზე“ საბოლოოდ განხილვის მიზნით ქალაქ გორის მუნიციპალიტეტის მერი მოწონებულ, გადამოწმებულ საპროექტო ინიციატივებს დაუბრუნებს განმცხადებლებს და ქალაქ გორის მუნიციპალიტეტის მერის წარმომადგენლების ხელშეწყობით აცნობებს კოორდინატორებს.

„სამოქალაქო ბიუჯეტის საბჭო“ წარმოდგენილ პროექტებს განიხილავს შემდეგი კრიტერიუმების მიხედვით:

- სამართლებრივი ასპექტები (არის თუ არა მუნიციპალიტეტი უფლებამოსილი განახორციელოს წარმოდგენილი საპროექტო ინიციატივები);
- ტექნიკური ასპექტები (ტექნიკურად რამდენად შესაძლებელია საპროექტო ინიციატივების განხორციელება);
- ფინანსური ასპექტები (წარმოდგენილი საპროექტო ინიციატივების სავარაუდო ღირებულების შეფასება და შესაძლებლობების განსაზღვრა);
- პროექტის განხორციელების ვადები (წარმოდგენილი საპროექტო ინიციატივების განხორციელების სავარაუდო ვადების თავსებადობა შესაძლებლობების ფარგლებში);
- ემსახურება თუ არა პროექტის განხორციელება საზოგადოებრივ ინტერესს (წარმოდგენილი საპროექტო ინიციატივების აქტუალობა ზონების მაცხოვრებელთათვის რამდენად აქტუალურია?);

წარმოდგენილი პროექტების განხილვა დასრულდება და პირველადი შედეგები ქალაქ გორის მუნიციპალიტეტის ოფიციალურ ვებ-გვერდზე განთავსდება **მიმდინარე წლის 5 აგვისტომდე**.

– IV ეტაპი:

მიმდინარე წლის 5 აგვისტოდან, 20 აგვისტოს ჩათვლით, – წარიმართება საორგანიზაციო სამუშაოები ქალაქის ზონებში „წარმომადგენლობითი საბჭო“-ების შესაკრებად, პირველადი მოწონებული საპროექტო ინიციატივების საბოლოო შერჩევისა და მათი შემდგომი წლის მუნიციპალურ ბიუჯეტში ასახვის მოთხოვნის მიზნით.

– V ეტაპი:

მიმდინარე წლის 20 აგვისტოდან, 10 სექტემბრის ჩათვლით, – პირველადი შედეგების შემდეგ „სამოქალაქო ბიუჯეტის საბჭო“ ქალაქ გორის მუნიციპალიტეტის მერის წარმომადგენლების ხელშეწყობით, ადგილებზე, ზონებში იწვევს „წარმომადგენლობითი საბჭო“-ებს, რომლებიც

შემდგომი წლის მუნიციპალურ ბიუჯეტში ასახვის მოთხოვნის მიზნით, კონსესუსის წესით ირჩევენ პრიორიტეტულ საპროექტო ინიციატივების განცხადებებს.

- VI ეტაპი:

მიმდინარე წლის 10 სექტემბრიდან, 25 სექტემბრის ჩათვლით, – გამარჯვებული საპროექტო ინიციატივების შესახებ, ქალაქ გორის მუნიციპალიტეტის მერის წარმომადგენლების ხელშეწყობით, კოორდინატორების მიერ, ეცნობება ქალაქ გორის მუნიციპალიტეტის მერს, რომელიც თავის მხრივ მიმდინარე წლის 25 სექტემბრიდან, 5 ოქტომბრის ჩათვლით ერთობლივად აცნობებს „სამოქალაქო ბიუჯეტის საბჭო“-ს, გამარჯვებული პროექტების სტატისტიკური აღრიცხვისათვის, მერიის საფინანსო-საბიუჯეტო სამსახურს, მომავალი წლის დასაგეგმ ბიუჯეტში გათვალისწინებისათვის და უფლებამოსილ პირს, გამარჯვებული პროექტების საჯარო გამოქვეყნებისათვის.

პროექტის მსველელობა და მიმდინარეობა გამოიკვრება ქალაქ გორის მუნიციპალიტეტის ადმინისტრაციულ შენობაში საინფორმაციო დაფაზე, მუდმივად გაშუქდება ქალაქ გორის მუნიციპალიტეტის ოფიციალურ ვებ-გვერდზე: <http://gori.gov.ge>, სოციალური ქსელის, facebook – ის გვერდზე, მასობრივი ინფორმაციის გავრცელების საშუალებებით სხვადასხვა შეხვედრებზე და ა.შ. ასევე ინფორმაცია გადაეცემათ კოორდინატორებს, რომლებიც ქალაქ გორის მუნიციპალიტეტის მერის წარმომადგენლების ხელშეწყობით, მოახდენენ მოსახლეობის ინფორმირებას პროექტის მსველეობის და შედეგების თაობაზე.

2018 წლის სამოქალაქო ბიუჯეტის ფორმირების სქემა

1

2017 წლის 15 ივნისიდან, 25 ივლისის ჩათვლით – საპროექტო ინიციატივის შევსებული განაცხადის აპლიკაციის ფორმები (დასკანერებული სახით) მოქალაქის მიერ გაიგზავნება ქ. გორის მუნიციპალიტეტის მერიის ელ–ფოსტაზე contact@gori.gov.ge, samoqalaqo.gori@gmail.com ან ჩააბარდება მერიის კანცელარიაში.

2

განაცხადების მიღების პერიოდში ქალაქ გორის მუნიციპალიტეტის მერიის უფლებამოსილი პირი ამოწმებს წარმოდგენილი საპროექტო ინიციატივების განაცხადების ტექნიკურ სისწორეს და წარუდგენს მერს რეკომენდაციას საპროექტო ინიციატივების, „სამოქალაქო ბიუჯეტის საბჭო“-ს უახლოეს სხდომაზე განსახილველად.

3

2017 წლის 25 ივლისიდან, 31 ივლისის ჩათვლით, – ქალაქ გორის მუნიციპალიტეტის მერი აგზავნის საპროექტო ინიციატივებს „სამოქალაქო ბიუჯეტის საბჭო“-ს უახლოეს სხდომაზე განსახილველად, სადაც იგი განიხილება ტექნიკური, ფინანსური და იურიდიული გადამოწმების თვალსაზრისით. რეზულტატი ეცნობება ქალაქ გორის მუნიციპალიტეტის მერს და თანდართული იქნება თხოვნა, რომ გადააწეროს ამავე მუნიციპალიტეტის მერიის უფლებამოსილ პირს პირველადი შედეგების საჯარო გამოქვეყნებისთვის, ვებ-გვერდზე განსათავსებლად. ქალაქ გორის მუნიციპალიტეტის მერი, თავის მხრივ გადააწერს ქალაქ გორის მუნიციპალიტეტის მერიის უფლებამოსილ პირს, რომლის მეშვეობით პირველად შედეგებს განათავსებს ოფიციალურ საიტზე **2017 წლის 5 აგვისტოს ჩათვლით** და მოწონებულ, გადამოწმებულ საპროექტო ინიციატივებს დაუბრუნებს განმცხადებლებს, ასევე, ქალაქ გორის მუნიციპალიტეტის მერის წარმომადგენლების ხელშეწყობით აცნობებს კოორდინატორებს, დასახლებების ერთეულების „წარმომადგენლობით საბჭოებზე“ საბოლოოდ განხილვის მიზნით.

4

2017 წლის 5 აგვისტოდან, 20 აგვისტოს ჩათვლით, – წარმართება საორგანიზაციო სამუშაოები ქალაქის დასახლებების ერთეულებში „წარმომადგენლობითი საბჭო“-ების შესაკრებად, პირველადი მოწონებული საპროექტო ინიციატივების საბოლოო შერჩევისა და მათი 2018 წლის მუნიციპალურ ბიუჯეტში ასახვის მოთხოვნის მიზნით.

5

2017 წლის 20 აგვისტოდან, 10 სექტემბრის ჩათვლით, – პირველადი შედეგების შემდეგ „სამოქალაქო ბიუჯეტის საბჭო“ ადგილებზე, დასახლებების ერთეულებში იწვევს „წარმომადგენლობითი საბჭო“-ებს, რომლებიც, კონსესუსის წესით ირჩევენ პრიორიტეტულ საპროექტო ინიციატივების განცხადებებს 2018 წლის მუნიციპალურ ბიუჯეტში ასახვის მოთხოვნის მიზნით.

6

2017 წლის 10 სექტემბრიდან, 25 სექტემბრის ჩათვლით, – გამარჯვებული საპროექტო ინიციატივების შესახებ, ქალაქ გორის მუნიციპალიტეტის მერის წარმომადგენლების ხელშეწყობით, კოორდინატორების მიერ, ეცნობება ქალაქ გორის მუნიციპალიტეტის მერს, რომელიც **25 სექტემბრიდან, 5 ოქტომბრის ჩათვლით** თავის მხრივ, ერთობლივად აცნობებს „სამოქალაქო ბიუჯეტის საბჭო“-ს, გამარჯვებული პროექტების სტატისტიკური აღრიცხვისათვის, საფინანსო-საბიუჯეტო სამსახურს, მომავალი წლის დასაგეგმ ბიუჯეტში გათვალისწინებისათვის და უფლებამოსილ პირს, გამარჯვებული პროექტების საიტზე ატვირთვისათვის.

7

გამარჯვებული პროექტი ხორციელდება ქ. გორის მუნიციპალიტეტის მერიის სამსახურების მიერ დებულებებით გაწერილი კომპეტენციის ფარგლებში. განხორციელების პერიოდში წარმართება გამარჯვებული პროექტების სამოქალაქო მონიტორინგი.

ქალაქ გორის მუნიციპალიტეტი

მე ვგეგმავ ჩემი ქალაქის ბიუჯეტს!

სამოქალაქო ბიუჯეტის ფარგლებში, მერიის გადაწყვეტილებით სულ, ქალაქის 11 ადმინისტრაციულ ერთეულს (დაჯგუფებული 6 ადმ. ერთეულად) ერთად გამოეყოფა 900 000 ლ (მთლიანად ბიუჯეტის 5%-საშუალოდ), თითოეულს, – 150 000 ლ.

✓ აღნიშნეთ და შემოხაზეთ იმ საცხოვრებელი ზონის დასახელება, სადაც ფიქრობთ პროექტის განხორციელებას

- I ზონა - ცენტრი III ზონა - ჭალა-სადგური V ზონა - ვერხვები-კვერნაქი
 II ზონა - კომბინატის დასახლება IV ზონა - წმ. წყალის დასახლება I ზონა - ვერხვ. დევნილთა დასახლება

სამოქალაქო ბიუჯეტის საპროექტო ინიციატივის განაცხადის ფორმა

(განცხადების წარდგენის ვადებია 2017 წლის 15 ივნისიდან, 25 ივლისის ჩათვლით)

საპროექტო ინიციატივის ან/და ინიციატივების სავარაუდო ღირებულება არ უნდა აღემატებოდეს 150 000 ლარს

განმცხადებლის პირადი ინფორმაცია

სახელი _____ გვარი _____ პ/ნ

--	--	--	--	--	--	--	--	--	--	--	--	--	--	--	--	--	--	--

მისამართი _____

ტელეფონი _____ ელ-ფოსტა: _____

საპროექტო ინიციატივის დასახელება (პირობითად დარქმეული სათაური)

პროექტის განხორციელების ადგილის მისამართი და საკადასტრო კოდი, ან მისი მახლობელი საკადასტრო კოდი სიზუსტისთვის. პროექტის სავარაუდო განზომილებითი რაოდენობის მითითებით (ფართობი, სიგრძე, სიგანე და ა.შ.)

საპროექტო ინიციატივის მოკლე დახასიათება – (აღწერეთ, თუ რა პროექტის განხორციელება გსურთ, რა უნდა აშენდეს, მოეწყოს, ან რეაბილიტირებულ იქნეს, ან გარემონტდეს და რა პრობლემები აღმოიფხვრება ამით)

პროექტის მომხმარებელთა (ბენეფიციართა) სავარაუდო რაოდენობა და კატეგორია მოკლედ

(აღნიშნეთ, პროექტი განხორციელების შემთხვევაში, ვის მოემსახურება და სავარაუდოდ რა რაოდენობას)

საპროექტო ინიციატივის განსახორციელებლად მოთხოვნილი სავარაუდო თანხა:

სამოქალაქო ბიუჯეტის საბჭოს მიერ დაზუსტებული სავარაუდო თანხა:

სამუშაოების ჩატარების სავარაუდო დრო (კალენდარული დღე, ან თვე) _____

იმ ტერიტორიულ ერთეულში მცხოვრები მხარდამჭერი მოქალაქეების ხელმოწერა, სადაც განხორციელდება პროექტი (მინიმუმ 10 ხელმოწერი)

სახელი გვარი	მისამართი	ხელმოწერა

განმცხადებლის დამატებითი აზრი, ან შენიშვნა:

საპროექტო ინიციატივის ავტორის ხელმოწერა: _____

თარიღი: 2017 წლის ____ _____



პროექტი თანადაფინანსებულია პოლონეთის რესპუბლიკის საგარეო საქმეთა სამინისტროს საგარეო დახმარების პროგრამის ფარგლებში
პროგრამა "დემოკრატიის ხელშეწყობა"

